

舌

鑑

辨

正

舌鑑辨正序

上古診脈不止於手凡乳下

見素問平人氣象論

兩額兩頰耳前足

指踝後

素問決死生論

跌陽

傷寒論

無不按切又不第於寸關尺分

三焦

王叔和脈經寸主上焦出頭及皮毛關主中焦腰腹尺主下焦少腹至足

兼以輕重別藏

府

脈經持脈如三菽之重為肺部如六菽之重為心部如九菽之重為脾部如十二菽之重為肝部按之至骨為

腎部所謂三部九候

詳素問

其術良多後世失傳但診手脈則

三部亡其二卽以手論如素問尺內尺外一節

見脈要精微論釋

之者紛若聚訟莫得其諦則九候又亡其八於此而猶強

執方寸之腕高談脈理夫亦惆恍迷離聊遵故事耳聞嘗

涉獵醫書一證兼數脈一脈兼數證脈象由臆度病狀括

萬千言之多文行之鮮實軒岐心法貌不可追術家論箸  
半屬自欺揆之鄙意未敢盡信身瘦多病聽醫者妄言之  
妄治之久不得效諉諸天命繼思於切脈之外別求一法  
見 四庫書目載吳江張登舌鑑一卷以舌審病立術頗  
新然寓吳江二十餘載未見此書近年侍嚴親宦遊足跡  
半於中國時時善病各省名醫亦皆據脈立方其能言陰  
陽傳變五行生剋運氣流行諸空談者卽侈然自足而於  
切實治病之技究無把握歲癸巳在新疆偶理舊書心煩  
骨疼憊甚論者咸指爲虛主滋陰降火明年益劇入夜熱  
氣上沖胸膈煩躁四肢搐戰友人爲言茂名梁特嚴先生

世精於醫緣事出塞可求治焉既見先生令吐其舌決爲  
實熱服苦寒多劑聞者皆駭而氣沖擣戰等事漸止體中  
舒泰叩先生所學以察舌色舌苔爲主祕其家傳慎不肯  
宣意必與張誕先舌鑑相似屬坊友覓得蜀板舌鑑大喜  
以示先生謂與家傳之術迥殊保廉因條舉以問固請先  
生辨其謬而正其偏日錄數條三閱月成二卷名曰舌鑑  
辨正非獨爲醫林別樹一幟實足輔切脈之窮也抑又聞  
之素問云舌轉可治大奇論金匱云舌黃可下傷寒論有舌  
白苔滑及舌乾急下諸說華陀察色訣云舌卷黑者死見脈  
經觀病於舌自古有之則以此書爲復古也可舌不隔膜

且爲心苗目視明澈勝於手揣則以此書與脈經並行也  
亦可

光緒甲午孟夏秀水陶保廉序於烏魯木齊

凡例

一吳江張登傷寒舌鑑一卷求之不得四川萬縣王文選所刻活人心法四冊內有舌鑑據云合張氏一百二十舌薛氏醫案三十六舌梁邑段正誼瘟疫十三舌擇錄一百四十九舌是王文選所編不盡張登原本而張氏之說固十居其九也今卽取此爲原本

王文選非知醫之人又云舌鑑出於醫通不知醫通

爲吳江張璐所輯璐字石頑而舌鑑爲張登所撰登字誕先

一舌鑑統論舌色不分藏府部位茲冠全舌分經圖於卷首係明季良醫祕傳以察各藏病機遵之數世確有徵驗一原本圖象太拘如中黑邊白右黑左白白中雙黃之類

病舌所顯之色其界限斷非截然分清惟偏濃偏淡處自有不同之狀閱歷深者必能知之閱者勿泥圖以觀

一原本拘執五行以顏色之生尅決病人之或劇或死聞有可治者亦束手坐視矣今廢棄舊說閱歷深者自知病狀未必盡合五行

一原本拘於傷寒日數不知病情萬變安能悉如古法傷寒傳經無一定日數所傳之經亦無一定次序而傳經亦不但傷寒凡傷暑傷熱皆能傳也

一原本祇以舌色辨傷寒不知種種雜病皆可觀舌以別寒熱虛實

一辨舌較證脈稍易脈隔皮而舌無皮也寒脈不變熱脈多變而舌色則不亂也切脈憑指涉於恍惚而觀舌憑目尤爲顯著也脈動之源根於心每刻心跳若干次則脈動亦若干次以脈驗心病頗顯以脈驗他藏之病每易混亂况病人心血阻滯往往病未必死而脈已結代或伏亂惟舌居肺上湊理與腸胃相連腹中元氣薰蒸醞釀親切顯露。病與舌昭然若揭亦確然可恃

一小病以舌脈參判久病及略重之病脈有時不可憑者則當舍脈憑舌切勿拘執脈象

一圖說祇見大概耳聞不如面授看書不如臨證



一原本既經辨駁不能概錄以省繁文

一原本以舌分類不以病分類未能盡合鄙意惟不欲大

反前規故諸舌次序悉依原本

宜參看醫學答問  
憑舌辨證之法

一原本繪舌雖多有不常見者有常見而或遺漏者閱者  
以意會之勢不能一一申說

一各條所論有前後重複者有言不盡意者閱者諒之


一舉世但知外症有腐壞之狀不知內科諸症藏府經絡  
亦多有發熱處或腐壞處舌色改變腹中之惡狀可想投  
以溫補滋補非益其熱而促之爛乎故非重劑苦寒不可  
言之駭聽泥古者必以爲非罔歷深者或曰悟乎

舌鑑辨正卷一

茂名梁玉瑜傳

秀水陶保廉錄

全舌分經圖



舌根主腎命大腸應小腸膀胱舌

中左主胃右主脾舌前面中

間屬肺舌尖主心心包絡小

腸膀胱應大舌邊左主肝右

主膽舌尖統應上焦舌中應中焦舌根應下焦

白舌總論

白舌爲寒表證有之裏證有之而虛者熱者實者亦有之

故白舌辨病較難不獨傷寒始有白舌而白舌亦可以辨傷寒其

類不一白浮滑薄苔刮去卽還者太陽表寒邪也白浮滑

而帶膩帶漲色分各經刮之有淨有不淨者邪在半表半

裏也全舌白苔浮漲浮膩漸積而乾微厚刮不脫者謂刮去浮

而其寒邪欲化火也辨傷寒舌大約如此傷寒亦有黃舌黑舌分論

於至若雜病之人舌白嫩滑刮之明淨者裏虛寒也無苔有津

濕而光滑其白色與舌爲一刮之不白厚粉濕滑膩苔刮

起如泥是虛寒也口唇必潤澤無縫是如泥是虛寒也口唇必潤澤無縫稍淨而又積如麪粉發水形者裏寒濕滯也白粗澀有朱

點有鱗紋之苔

粗澀則不光澤朱點則顯其藏府有熱裂鱗紋多因誤服溫藥之故

焦燥滿苔刮不脫或脫而不淨者

刮去垢泥後底子仍留汚質膩澀不見鮮紅

裏熱結實也


此舌頗多其苔在舌比之而上傳粉刮之多垢其白色與舌爲二物是熱也與前論之虛

寒舌相反當認明此苔由淺而深將黃未黃或竟變黑者也不可用溫補藥

若白苔夾變別色

見於某經卽見某經病重凡表裏寒熱虛實證皆同辨舌者宜於望聞問切四事參攷之庶幾不差

微白滑苔




第一微白滑苔舌如圖中微白光滑邊淡

紅而有津此脾胃寒而心肝膽虛也無病

人見此可勿藥裏虛寒證有此舌宜專經

溫補若初感寒邪在太陽頭痛身熱惡寒

無汗脈浮緊而見此舌者宜溫散表藥凡感邪尚淺者多未顯於舌必執此為傷寒之舌則謬



第二薄白滑苔舌如圖中薄白尖深紅此

脾胃微寒而心經熱也無病人有此勿藥

若見脾胃寒證偏於白滑重在宜用辛溫

藥治若見心經熱證偏於深紅少津宜用清涼藥若初感熱邪在


太陽頭痛身熱無汗眩暈口乾鼻氣熱者宜用涼散表邪

藥得汗自愈此係初感邪未見於舌也不可舊說泥於二

三日傷寒未曾汗太陽與少陽合病方有是舌則謬甚

第三厚白滑苔舌如圖中厚白尖邊無異色此脾胃有寒

厚白滑苦



濕也表裏證皆有之傷寒邪在太陽口不

乾舌不燥頭痛發熱無汗惡寒身痛脈浮

緊者宜麻黃湯發汗自愈

凡表證兩臉必熱

若雜

病裏證宜白茯苓朮乾薑附子等藥

若舌厚白不滑無津而燥是實

也斷不可用此等溫藥

舊說治法亦合惟僅言表證未及裏證耳

第四乾厚白苔舌中乾厚白尖邊無異色脾胃熱滯也裏

乾

證宜三仙丹

梁氏三仙丹用黃芩厚朴枳實

加石斛山查

厚白乾厚白


麥芽等藥若傷寒表證見此舌是邪熱在

少陽其證多口苦耳聾發熱煩燥四肢逆

苦

冷寒熱往來不等宜小柴胡湯舊說謂營熱胃冷未合

第五白苔黃心舌傷寒傳至陽明也若微黃而滑潤仍當



汗解宜柴葛湯若苔焦口渴煩燥譫語燒


熱宜白虎三黃等湯若苔燥大便閉宜大

柴胡湯

柴胡大黃枳殼半夏赤芍黃芩生薑大棗

若雜病裏證

見此舌中黃刮不淨者脾胃實熱也宜白虎三黃大黃酌用若中開黃苔一刮即明淨餘苔俱白色不紅而多津濕潤者則為寒證宜分經辨準用辛溫藥舊說未盡善



第六白苔黃邊舌如刮之淨者無病人也

所謂淨者必須清潔光明見淡紅潤澤之底若底留粗澀垢膩如薄漿糊一層者即為不淨即刮不脫或不淨者是脾胃真熱是內熱

假寒

黃色是真熱  
白色是假寒

心肝肺膀胱為陽火逼迫

邪火實火而  
均為陽火

移熱於大腸也其為病多咳痛心胸熱小便濇大便或結

或泄

熱極則脾縮  
不靈故亦泄


或瀉紅白痢不等咳痛心胸熱者宜生

石膏知母三黃花粉竹茹等藥小便濇者宜木通車前三

黃等藥大便結或泄者宜調胃承氣湯紅白痢者宜芩連

治痢湯舊說拘於中白為寒誤也

第七乾白苔黑心舌其黑苔濕潤一刮即淨者裏證真寒



假熱舌也當以十全甘溫救補湯加減治

之

黃耆人參白朮熟地川芎  
歸身鹿茸白芍茯苓甘草

若乾黑刮不


淨是傷寒邪已化火傳陽明胃府症每常



發燒譫語口乾渴不惡寒或自汗從頭面出至頸而止者  
不等宜白虎湯不次急服至黑苔漸退周身出汗透徹燒  
退卽愈矣倘服白虎數劑而中苔仍乾黑燒熱未退大便  
閉急繼以大承氣湯開用破格白虎三黃不次急投必俟  
乾者濕黑者退則病愈若不明利害偏執臆斷之書忌用  
苦寒自誤其生別無補救之法如舊說云二三日未汗有  
此舌必死皆因臨證少未能憑舌求治耳辨傷寒舌必拘  
幾日見某色是茹古不化以耳爲目誤已誤人莫知其謬  
能辨舌者不論一日十日卽以所見之色分經辨證對病  
用藥其效如神

第八白滑苔尖灰刺舌如濕潤刮之即淨者真寒假熱也

白滑苔尖灰刺




表裏證均有宜辛溫燥濕若乾厚刮不淨者是脾胃為濕熱困心肺熱極裏證也宜苦寒藥若傷寒見此舌而乾厚者亦邪熱

入裏熱逼心肺矣不必論脈之長短即用大承氣湯不次急下以灰刺退淨為止十不失一若服藥限於一日一劑則非救急之法

舊說指為陽明兼少陽舌脈弦數者死拘定舊法不能急瀉裏熱宜其死也

白苔黑乾刺



第九白苔滿黑乾刺舌如刮之黑刺即淨光潤不乾口渴而消水不多發燒欲剝衣滾地者在雜病為真寒假熱之裏症以甘

溫除大熱法加減甘溫救補湯治之愈

留治症此等病

若刮之不

淨乾燥粗澀乃十二經皆熱極不獨傷寒傳陽明裏證始

有此舌也舊說謂其證不惡寒而惡熱者大柴胡加芒消

急下之遵傷寒古法不錯今人或於時書偏說謂芒消等

藥不可輕服見有此舌不敢急投或限以一日一劑誤人

多矣能知辨舌利害者凡各病裏症見此舌卽以十全苦

寒救補湯

生石膏知母黃芩黃連黃蘗大黃芒消厚朴枳實犀角

不次急投服至黑


刺退淨爲止履險可必如夷

第十白帶苔黑心舌若刮之卽淨而濕潤者真寒假熱舌

也宜十全辛溫救補湯


附子乾薑肉桂豆蔻木香陳皮半真川椒丁香

若刮不




淨而膩澀粗燥者實熱裏證也宜平陽清裏湯傳薪集方生石膏知母黃芩黃連黃蘗犀角羚羊角生甘草表邪入裏者亦有之大熱譫語或食復發熱或

利不止者皆宜十全苦寒救補湯見前加減不次急投凡言急投者皆當循環連進此家傳歷代經驗者也服至黑苔退淨為準遲疑難治



第十一半邊白滑舌白滑無苔乃寒也白滑在左乃肝寒宜溫肝藥在右乃膽寒宜溫膽藥然傷寒證無如此清楚之舌舊說指為半表半裏用小柴胡加減不知合否余不敢妄斷

第十二藏結白滑舌或左或右半邊白苔半邊或黑或老



黃色邪結在臟也舊說用黃連湯加附子

結在咽不能言語者生脈散合四逆湯可

救十中一二家訓云歷見此舌依此等治

法十無一生

凡言家訓者皆余六世祖得諸名師秘傳歷代口授經驗之詞

白滑無苔舌

虛寒體也感寒邪者色亦如此若半邊有黃黑苔則寒邪

已傳裏鬱結在臟久而化火矣當舍其白滑急治其標看

某邊色見老黃或黑者即從黃黑邊治左黃黑者邪火逼

肝也宜用胡黃連羚羊角犀角青蒿山梔石膏知母等藥

右黃黑者邪火逼膽也宜龍膽草青蒿柴胡石膏知母三

黃等品黃黑苔不論結左右喉痛不能語言者宜山豆根

石膏知母三黃大黃桔梗甘草等藥對病施治瞑眩乃瘳  
見此舌能知治法可保萬全


第十三白苔黑斑舌如刮之即淨者微濕熱也宜瀉濕清

熱若刮不淨者

底子膩澀  
粗燥乾苦

十二經皆實熱

白苔黑斑



陽火燒陰將竭也皆裏證無表證不論傷  
寒傳裏及諸病證見此舌者以十全苦寒

救補湯加減

見第九  
舌

不次急投服至黑斑退淨方愈萬無一

失


偶試用涼膈散承氣湯遲疑緩  
投亦難補救明利害者當詳酌之

舊說指白中斑點謂

水尅火僅能十救一二謬甚

第十四白苔燥裂舌舊說謂傷寒胸中有寒丹田有熱故

白苔燥裂



苔白因過汗傷營舌中無津故燥裂內無實熱故不黃黑用小柴胡加芒消微下之

調云白苔燥裂舌乃因誤服溫補灼傷真陰所致非傷寒

過汗所致也無黃黑色者真陰將枯竭舌上無津苔已乾


燥故不能變顯他色藏府有逼壞處故舌形罅裂也治宜

大承氣湯

大黃芒消厚朴枳實

急下以救真陰歷試良效

白苔黑根




第十五白苔黑根舌若黑根無積賦白苔

薄滑刮之即淨舌上多津口不渴或渴而

不消水者真寒假熱也宜十全辛溫救補

湯見第十加減不次急投黑根自退病即愈若黑根積膩粗  
澀白苔乾厚刮之不淨無津燥苦口渴消水者真熱假寒  
也宜十全苦寒救補湯加減不次急投黑根漸退疾乃瘳  
舊說泥於火被水尅之象固甚謬甚

第十六白尖黃根舌傷寒邪初入裏化火也未可遽用承



氣宜大柴胡湯若非傷寒證則當分經辨  
色乾黃為熱潤白為寒若尖上之白厚膩粗澀則概作熱論  
導經對病用藥補偏


第十七白苔雙黃舌舊說云此陽明裏證也因邪熱上攻  
致舌有雙黃惡熱轉失氣煩躁者大柴胡調胃承氣下之





其說是也若別證見此舌是脾胃熱而諸經無病宜用生大黃三黃枳壳厚朴等藥此是白中夾黃耳未必如圖式之整齊分明也凡此等圖當以意會之不可拘泥

第十八白苔雙黑舌乃寒邪入裏化火熱逼脾胃也實熱




雜證皆有之宜白虎湯去粳米甘草加大黃治之人尚能飯食故去粳米舊說用理中湯醫家多如此誤人不少當明辨之



第十九白苔雙灰舌如滑潤一刮即亮淨者中寒鬱滯也宜薑桂附厚朴春砂香附等藥如乾厚無津刮不淨者乃傷寒化火

熱攻裏也宜大承氣急下灰色退淨乃愈舊說云無津者不治非也

第二十白尖中紅黑根舌如舌尖白而根灰黑少者乃少




陽邪熱傳府熱極而傷冷飲也水停津液固結而渴者宜四苓散自汗而渴者宜白虎湯下利而渴者宜三黃解毒湯舊說是

也若黑根多白尖少中鮮紅或不甚紅而乾澀者宜大承氣湯不次急投黑根退淨乃愈


第二十一白苔中紅舌太陽經初傳也無汗者發汗有汗者解熱亦有在少陽者小柴胡湯加減治之舊說是也

白苔中紅




第二十二白尖紅根舌邪在半表半裏也其證寒熱往來

白尖紅根




耳聾口苦脇痛脈浮弦小柴胡湯和解之  
舊說是

白苔尖灰根黃



第二十三白苔尖灰根黃舌太陽經熱并  
於陽明也如根黃色間白目黃小便黃者  
宜茵陳蒿湯加減舊說是

第二十四白苔尖根俱黑舌乾厚刮不淨者乃心腎熱極



脾胃真熱假寒也其證多發燒譫語呃逆

乾嘔食物即吐昏迷似睡而卻非睡惟十

全苦寒救補湯

見第九卷

不次急投勿稍遲緩

黑色退淨方愈舊說謂金水太過火土氣絕乃臨證少治

法窮之論也謬甚

第二十五純熟白舌

光滑無苔

乃氣血兩虛藏府皆寒極也宜

十全甘溫救補湯

見第七卷

加薑附桂不次急

投至白色生活

轉淡紅

乃愈若用藥遲疑虛

寒過度即難治傷寒證無此舌如舊說謂



冷食停積用枳實理中湯必致十無一生所見多矣

第二十六淡白透明舌不論老幼見此舌卽是虛寒宜補

中益氣湯加薑桂附治之風寒傷寒證均

無此透明之舌透明者全舌明淨無苔而

淡白濕亮閒或稍有白浮漲似苔卻非苔

也此爲虛寒舌之本色若感寒邪者有薄浮滑苔故云傷


寒無此舌以上二者爲虛寒白舌之準

第二十七白苔弦淡紅舌其白苔薄滑者


在表證爲邪初入裏升田有熱胸中有氣

乃少陽半表半裏證宜小柴胡湯梔子豉

白苔弦淡紅



淡白透明




湯舊說是也凡邪在半表裏者若裏症見此舌白胎一刮即光淨者乃寒結脾胃也宜理中湯

第二十八白苔黑點舌傷寒白苔中黑小點亂生尚有表

症者其病來之雖惡宜用涼膈散微表之  
連翹梔仁大黃甘草  
 朴消條芩薄荷竹葉表退即當下用調胃  
 承氣湯舊說是也若裏證則仿第十三舌


白苔黑點



第二十九右白苔滑舌病在肌肉邪在半表半裏必往來

寒熱宜小柴胡湯和解之舊說是

右白苔滑



第三十左白苔滑舌此臟結之症邪并入臟最難療治若

屬陽症口渴腹脹喜飲冷者宜承氣湯下

之若陰結口渴而不喜飲冷胸中痞滿者

宜濟川煎

當歸川芎菴蓉澤瀉升麻枳壳

舊說是也

左白苔滑

白苔

右本色

第三十一徧白舌如全舌光白無苔則虛寒也如淡白兼

微紅無苔則無病人也若瘟疫見此舌則

舌上必有烟霧白色蓋滿而有惡寒發熱

胸腕不清或嘔吐頭痛身痛口哺煩熱口

徧白舌

臭難聞等證宜以十全苦寒救補湯急投之非表症也舊

說云疫邪在表用達原飲二劑而安者

檳榔厚朴草菓仁知母白芍黃芩各

一錢甘 或是白滑苔舌則可否則謬蓋辨色未明憚然施  
草八分 治而偶中者也倘舌白如積粉遍布滑而不黃者乃寒滯  
也宜溫中行滯表症無此舌舊說云邪在胃家又三陽表  
證用柴葛羌活裏證加大黃俱謬

第三十二白苔乾硬舌有似砂皮

一名水晶苔

凡厚白苔本能

白

變黃色若此苔當其白時津液已乾燥邪

苔

乾似砂皮

雖入胃不能變黃宜急下之

用承氣

如白苔

硬

潤澤者邪在膜原也邪微苔亦微邪毒既

盛苔如積粉滿布此時未敢遽下而苔色不變口渴喜飲

冷者服三消飲

卽達原飲加大黃羌葛柴胡薑棗

次早卽顯黃色舊說是



黃舌總論

黃苔舌表裏實熱證有之表裏虛寒證則無刮之明淨卽

爲無病

必須清潔光明見淡紅潤刮之不淨均是熱證

仍留推澀垢膩如薄漿糊一層者或竟刮不脫者

淺黃膩薄者微熱也乾澀深黃

膩厚者大熱也芒刺焦裂老黃或夾灰黑色者極熱也黃

苔見於全舌爲藏府俱熱見於某經卽某經之熱表裏證

均如此辨乃不易之理也治裏證分經辨準對病用藥必


不差訛表證風火暑燥皆有黃舌惟傷寒邪在太陽少陽

時均無黃苔待邪傳陽明府其舌必黃初淺久深甚則老

黃或夾變灰黑其證多大熱大渴或無汗或自汗譫語痞

結咽乾目暗大小便秘衄血吐血蓄血如狂自利清水不  
 等以舌脈相較審證無誤若邪火裏逼實熱裏結諸危證  
 其脈往往伏代散亂奇怪難憑重病久病亦然更有輕病而脈即伏亂者則當  
 舍脈憑舌專經急治斯為盡善若泥於火乘土位故有黃  
 苔之說迂執誤人矣

第三十三純黃微乾舌傷寒傳經至陽明府寒邪已化火



故舌中尤黃其證多大熱大渴譫語不等  
 宜白虎湯不次急投至黃苔漸退乃愈若  
 辨舌不準過於遲疑邪必傳入更深也如

雜病裏證見此舌者是藏府皆熱宜三黃承氣酌用

第三十四黃乾舌全舌乾黃藏府均大熱有病皆屬裏證

無表證不論傷寒雜證見此舌即為實熱宜

黃乾全舌乾黃

十全苦寒救補湯見第九舌不次急投雖大熱

喘躁頻瀉亦不慮以服至黃退色潤為愈

十無一失舊說云下後脈靜者生大熱喘躁者死是未知


舍脈憑舌之法又不敢連用苦寒何以望生

第三十五黃苔黑滑舌其黑滑在中者均陽明胃裏症無表

症宜白虎湯去梗加三黃不次急投至舌

淨而止如大便閉則加大黃大便不開舊


說謂下後身涼脈靜者生大熱脈躁者死



合舌執脈以判生死實因閱歷未深欺己欺人耳

第三十六黃苔黑斑舌在雜病爲藏府實熱在傷寒爲邪

黃苔黑斑



傳陽明轉入三陰其證或大熱大渴譫語狂亂口燥咽乾循衣摸牀身發黃黑斑不  
等醫書多云不治如見此舌卽用十全苦

寒救補湯倍加生石膏限定時刻不次急投服至黃黑胎


漸退則病立愈舊說治譫語發斑者用升陽散火湯

人參當歸

黃芩柴胡麥冬白朮  
芍藥陳皮甘草茯苓誤人多矣願勿惑於其說

第三十七黃苔中黑通尖舌乃心肺脾胃腎大小腸均熱

極也皆裏症無表症若兩感傷寒見此舌則邪已入陰矣



治法與實熱證同凡昏憒或惡寒或不惡  
寒口乾苦齒燥咽乾頭面自汗如珠出至  
頸而止大小便秘下利臭水六脈怪奇伏


代各證若見此舌醫書俱云難治不治然用十全苦寒救

補湯分爲三黃白虎湯大承氣湯白虎湯三劑分之力足循

環連服不次急投約一個時辰內三劑各飲一至黑苔退

淨乃愈此舌多爲危病能對證用藥十可救七舊說用調胃承氣又不急投十中恐難救一

第三十八黃尖舌邪熱初傳胃府也宜調




胃承氣湯大黃芒硝甘草如脈浮惡寒表證未盡

則宜大柴胡湯兩解之舊說是也

第三十九黃苔灰根舌雖比黑根少輕其實裏熱已急如


黃苔灰根



脈沈有力而不煩躁直視者宜大柴胡加減治之如煩躁直視宜大承氣下之舊說是也惟祇舉一端耳

第四十黃尖紅根舌濕熱乘火位也瘟熱初病多有此舌


黃尖紅根



宜涼膈散連翹大黃芒硝甘草黃蘗黃連山梔等藥消息治之舊說是也

第四十一黃尖黑根舌黑處多而尖尚黃是各經皆極熱而心經尚未極也不論何病皆屬裏證即用苦寒救補湯

黃尖黑根



分單閒服以大承氣片為一單也不次急投以服至

黑根退淨為準病即愈可保萬全若畏用


苦寒雖胃氣未竭亦必轉瞬而絕也如舊

說之迂甘心坐視見死不救矣

第四十二黃苔黑刺舌藏府極熱也不論何病

在雜病為實熱裏結

黃苔



在傷寒為邪已傳裏

均宜白虎湯及大承氣湯循環

閒服至苔刺退淨乃愈舊說用調胃承氣

僅微下之而不敢速投苦寒藏府必壞透

巡亦足誤人

第四十三黃大脹滿舌陽明胃經溼熱也其證為眼黃身

黃大脹滿

黃大脹大

黃便閉煩躁者宜茵陳蒿湯

茵陳蒿先煎  
梔子大黃後

入若小便不利而發黃者宜四苓散


茯苓豬苓

澤瀉白朮加茵陳梔子黃連木通舊說是也如

無上各證而發熱煩躁胸中滿困倦不安者宜大承氣

第四十四黃尖白根舌傷寒少陽膽經傳陽明府病也若

黃尖白根



陽明證多者

口苦咽乾腹滿微喘  
發熱惡寒脈浮緊

宜大柴

胡湯

見第五

少陽證多者

頭痛發熱  
脈弦細

宜小柴

胡湯


柴胡黃芩人參甘草生薑半夏  
大棗若胸煩外熱者勿用參

如譫

語煩躁內熱者宜調胃承氣湯舊說是也

第四十五黃根白尖舌在傷寒為表邪少而裏邪多也宜






益元散 滑石六兩甘草一兩為末加辰砂少許 與涼膈散 見四

者必發黃宜茵陳蒿湯 前見舊說是也如大

便難胸中悶睡時多夢者裏證實熱也宜調胃承氣湯

第四十六黃根灰尖舌如不吐不利心煩而渴者胃中有



鬱熱也宜調胃承氣 見三十加黃連在尖

舌尖屬心舊說是也故兼清心

第四十七黃根白尖短縮舌短而硬不燥不滑但不能伸出其證多譫語煩亂乃痰夾宿食占據中宮也宜大承氣

加生薑半夏治之舊說是也



第四十八黃舌如傷寒見尖白根黃則表證未罷也宜



先解表然後攻裏如大便寒者宜涼膈散  
見四十五小便瀉者宜四苓散益元散合用加  
木通舊說是也若雜病見此舌色黃結實


者均屬實熱裏症宜分經審病用苦寒藥

凡黃舌皆為實  
症熱症無虛症

寒症辨舌  
者當知之

第四十九初病微黃舌傷寒初病失汗

謂常用表散之表  
時失誤未表也表




邪入裏見此舌者每發讖語宜並用雙解散防風荆芥連翹麻黃薄荷川芎當歸白芍白朮山梔黃芩石膏桔梗甘草滑石解表兼解裏和血復調氣故曰雙解散本方加大黃芒硝名防風通聖散治表裏俱

實熱河解毒湯

見四汗下兼行舊說是也若邪傳入深及

雜病裏證見此舌均為實熱宜白虎三黃等湯

第五十日久微黃舌如傷寒表病未罷者宜小柴胡湯合



益元散若微黃而兼膩者宜大柴胡湯下之若身目俱黃者熱溼也宜茵陳湯表裏並除舊說是也如雜病裏症見此舌者均

為實熱如黃色一刮極淨者為無病可以勿藥

第五十一白苔變黃舌傷寒表邪失於汗解初傳入陽明

寒邪已化火其譫多大熱大渴宜竹葉白

虎湯

生石膏知母竹葉

從陽明經發汗清解之自

愈此邪在半表半裏不可驟下如舊說急

下之必致陷胸矣如全舌皆變黃而苔濇則宜大承氣湯

下之望舌者宜留意勿誤



第五十二黃苔白絃舌此舌常有黃在中脾胃熱也白在

弦別經無熱或有寒也

白滑無苔為寒若乾厚或濇則亦熱

為病尚輕如感熱邪表證宜涼散之若雜

病實熱裏證宜清涼脾胃舊說專指煩渴



嘔吐表症則迂矣


上二條當與第五第十六十七第四十四五第四十八五十四諸條參看

第五十三黃苔黑點舌藏府全熱也不論何病

或傷寒傳裏化火或

黃、黑、苔、點、  
感暑熱邪逼裏或雜病實熱裏症

均宜白虎湯去粳米與大




承氣湯間服不次急投候黑點退淨方愈若舊說投調胃承氣後即進和解散恐十

難救一也

與第三十五三十六三十七三十九四十一四十二諸舌互考

第五十四黃苔尖白舌如表症未去宜先解表後攻裏如



大便秘宜涼膈散小便不利宜四苓散加

木通車前舊說是也若雜證見舌中黃為

脾胃熱舌根黃為腎腸俱熱宜白虎湯加

不黃涼瀉之

黃苔退淨舌尖之白即反紅色本治則末亦治也與第四十八五十二兩舌參看

第五十五黃苔生瓣舌苔黃而澀中有花瓣形者熱入胃

府邪毒深矣心火煩渴宜大承氣急下之

身黃如橘目黃如金者宜茵陳湯如下焦

蓄血者宜桃仁抵當湯

熱在下焦少腹硬滿瘀血在裏小便

自利屎鞭如狂善忘諸症宜之大黃  
生地歸尾桃仁穿山甲元明粉桂心蓄水在脇內腫脹者

宜十棗湯

芫花醋炒甘遂麩炒大戟蒸晒大棗先煮

結胸甚者宜大陷胸湯

傷寒

言表而誤下之脇痛煩躁心下鞭而痛  
者為結胸用大黃芒硝甘遂先煮大黃有病血者宜大黃

湯心湯


大黃黃連

舊說盡善

諸方皆重劑勿妄用須熟於傷寒隨症詳審


第五十六黃變沉香舌焦燥之狀也若熱甚則全舌將變

黃變沉色



黑生芒刺邪毒最深宜三消飲見三十加  
 重大黃或以大承氣下之後酌用養營諸  
 湯後見舊說是

第五十七根中漸黃舌外有白厚苔熱邪傳入膜原也舌



根漸黃至中央邪初入胃也如有疫症已  
 傳三陽宜達原飲見三十如胸膈滿痛大  
 渴煩躁者伏邪內攻也宜急用三消飲下

之如既下後大便燥結又難再攻者宜清燥養營湯知母

當歸白芍陳皮地黃汁甘草燈心疫為熱病暴攻之後餘  
 邪未盡陰血未復不可遽補致生異症凡陰枯血燥者宜  
 此或承氣養營湯即小承氣加知母當歸白芍生如痰壅

不清胸悶脇脹者宜葭貝養營湯

知母花粉貝母瓜蒌霜橘紅白芍當歸蘇子生

薑如痰中帶血加藕節茅根

舊說是也

與第五十一  
五十二參看



## 黑舌總論

凡舌苔見黑色病必不輕寒熱虛實各證皆有之均屬裏證無表證也在傷寒病寒邪傳裏化火則舌苔變黑自舌中黑起延及根尖者多自根尖黑起者少熱甚則芒刺乾焦皴裂其初必由白苔變黃由黃變黑甚至刮之不脫溼之不潤者熱極傷陰也病重脈亂舍脈憑舌宜用苔寒以補陽火之偏急下以救真陰之弊在雜病見黑苔皆因實熱傷裏也亦惟連瀉熾火毋使枯竭若虛寒而舌黑者則必溼滑無苔多津口不苦唇不燥無朱點無芒刺無皴裂刮之明淨如水浸豬腰有淡淡融融之形是藏府極寒之舌也宜用

十全辛溫救補湯

集傳

亦有真寒假熱證而見黑舌者其

舌必全黑而不分經且必由淡白之時忽然轉黑其初無  
變黃之一境約略望之似有焦黑芒刺乾裂之狀然刮之  
必淨溼之必潤環唇皆白而不紅焦寒結在藏也其證亦  
周身大熱煩躁惡衣被與實熱邪火證相似實則中宮寒  
極陽氣盡發於外也口大渴喜冷飲水卻不多與實熱諸  
證略異外假熱而裏極寒也患此假證之人必煩亂昏沈  
六脈必遲弱無力大便結常欲下而不下宜甘溫救補湯  
甘溫除大更有陰虛腎水虧而舌黑者頗似寒舌之光亮  
熱之法也無苔又似熱舌之焦乾無津詳細審察乃可無誤

其病狀  
必不同

宜參看醫學問卷

二辨陰火內傷篇

治宜六味地黃湯加減急投

然陰虛內傷之

舌大都絳

色無苔

若腎絕舌黑過尖言歸於命別無治法

有煙癰之人常

多黑舌看法當比平常病人之黑舌減一

二等算又有誤食物而染黑者宜明辨之


第五十八純黃黑苔舌乃實熱已極逼傷真陰也不論何

純

黃

黑

苔



病何脈

均裏證無表證病人氣血不舒脈多伏亂難憑

確見其舌

純黃兼黑苔厚乾澀刮不淨

謂底子不清潔光明不顯

淡紅潤澤之色也

或刮不脫者即用破格三黃白

虎湯

黃芩黃蘗黃連生石膏知母均破格重用也

與大承氣湯


大黃芒硝厚樸枳實循環

間服不次急投服至黑苔退淨則立效若舊說云火極似

水藏氣已絕脈必代結一二日中必死是泥於五行拘於

六脈罔知補救誤人多矣

第五十九黑苔辨底紅舌藏府熱甚灼血銷津也多因實




熱人誤服溫補燥藥逼傷陰血故辨底見  
淡紅其證口開目閉煩躁譫語狂妄便閉  
不等勿論脈之伏代怪奇即用破格三黃

白虎加暹羅真犀角與大承氣湯循環開服不次急投黑  
辦脫淨方愈若舊說僅以承氣下之而不敢重用苦寒急  
涼血分知其一不知其二救人安能救澈乎

第六十黑苔辨底黑舌家訓云此乃藏府實熱已極或因  
六氣之燥火侵淫或因百藥之燥火逼迫燥火與陽火

病



素有實火曰陽  
火虛火為陰火  
交戰於中薰蒸於上而成  
此舌猶之當暑炎熱土木生菌惟大雨時

行即自銷滅可知舌有黑瓣非大寒涼藥

斷難起死回生此證多大熱大渴口開吹氣或絞腸痛絕

或頭腦脹痛求死或口噤不言或渾身發臭難聞或猝然

仆地不省人事雙目直視不等不論見何怪脈舍脈憑舌

看黑瓣尚未敷滿仍可救治急用十全苦寒救補湯生石

黃芩粉生知母六錢去毛黃蘗四錢黃芩六錢黃連生大


黃芩荷各三錢生陳厚樸一錢生枳實錢半暹犀角尖四

錢四倍石膏或分為三黃白虎湯及不拘時刻不次急投

凡言不次者皆不限服至黑瓣漸退舌底漸紅則病愈知

此法者雖危不死倘不明利害忌服苦寒或不敢多服必死無疑別無救法也如舊說云見此舌不可用藥雖無惡候脈亦暴絕不治此拘於切脈無知妄斷醫家卸肩之積習耳余於辛卯七月道出清江浦見船戶數人同染瘟病其死余目擊心憫姑往診視皆口開吹氣舌則黑苔黑瓣底其親人向余求救不忍袖手卽教以用十全苦寒救補湯生石膏加重四倍循環急灌一日夜連投多劑病人絡繹瀉出極臭之紐黑糞次日舌中黑漸退復連服數劑三日皆全愈是時清江疫癘大作未得治法輒數日而死有聞船戶之事者羣來求治切其脈皆怪絕難憑望其舌竟皆黑滿底均以前法告之其信者皆二三日卽愈其稍知醫書者不肯多服苦寒仍歸無救余因稍有感留住十日以一方活四十人頗得仙方之譽

第六十一 清黑刺底紅苔全舌黑苔乾燥而生大刺手揉



之有聲掘開刺底尙見紅色不論何病皆裏證藏府熱極宜合用破格三黃白虎大承氣不次急投以黑刺退淨爲止病必愈

萬無一失舊說但知以大陷胸湯下之而不知寒涼急投其黑刺必不退倘能十救一二亦幸事耳



第六十二刺底黑舌訓開芒刺底下舌色俱黑也用六十舌苦寒急救之法尙有可醫舊說謂不必辨其何經何脈雖無惡候必死勿治此固醫家搪飾之常法然病家往往見重症安

於必死惟謀進獨參湯以盡人事執定勿用苦寒亦足以


醱成時醫之惡習也

第六十三黑爛自齧舌藏府極熱兼受穢毒也患楊梅瘡

者多有之他症罕見宜三黃銀花承氣等劑土茯苓作茶飲治如不效則將如舊說所云黑爛而頻欲齧必爛至根而死也



第六十四中黑邊白滑舌舊說謂表裏俱虛寒脈必遲弱



證必畏寒附子理中湯溫之人參白朮附子乾薑甘草

夏月過食生冷而見此舌者則酌用大順

散肉桂杏仁乾薑甘草治虛寒人夏月停冷食嘔呃者冷香散生附片草

果仁橘紅甘然此舌必當慎辨若黑色潤澤光滑無苔刮草炙生薑



之平淨者是寒也可遵舊說治之若黑苔微厚粗膩雖滑

而刮之不淨口苦唇燥外無寒證脈非遲弱者則是實熱宜用

清涼脾胃藥寒熱之判勢如冰炭當參看黑苔總論

第六十五紅邊中黑滑舌是脾胃肝膽俱熱而夾有溼邪

也若傷寒證見譫語者為初傳陽明宜白

虎湯發汗自愈大渴大熱則倍用之舊說

謂冷食結滯虛人用黃龍湯即大承氣加甘草黨參當


歸薑棗枳梗邪熱傳裏譫語發渴身熱心下硬痛下利皆

清水此名結熱利症非內寒而利也宜此湯衰老者去芒

硝壯實人用備急丸巴豆一錢去淨油生薑三錢大黃三錢共為末作丸如豆大治熱邪暴死

夏月中暈者用人參白虎湯三法雖不甚謬然難見效

第六十六通尖黑乾邊白舌是藏府實熱感觸火燥



溼氣故邊白也其證多大熱大渴譫語煩

燥便閉咽乾不等宜白虎湯大承氣湯合

用連服以黑退為度如舊說指為陰陽兩

感傷寒用大羌活湯

羌活防風獨活細辛防己黃芩黃連蒼朮白朮甘草知母川芎生薑黃

及冲和靈寶飲

即大羌活湯去獨活防己黃連蒼朮白朮知母加柴胡白芷葛根石膏誤人多

矣蓋拘定白黑判陰陽而不知黑舌均裏症無表症况既

乾而通尖裏急已極尚可雜投驅風之燥藥乎


第六十七黑邊暈內微紅舌邪熱入於心胞之候宜涼膈

散

見四合

大承氣湯下之舊說是也

黑邊  
紅微  
內



凡黑舌偶有寒者紅舌則無寒證故黑量  
開紅可斷為熱

第六十八中心黑厚舌黑苔燥厚脾胃極熱也宜破格三

中心  
黑厚




黃白虎大承氣湯相間連服至黑淨乃愈

如舊說用生脈散黨參麥冬北五味合黃連解毒

湯黃連黃芩黃蘗梔子仁雖無大誤然病難愈也

中黑  
無苔  
乾燥



第六十九中黑無苔乾燥舌此舌宜詳辨

如中黑無苔而舌底乾燥有小點紋可見  
者乃胃經實熱並無六氣侵擾也宜破格

白虎三黃治之如中黑無苔而舌底溼嫩光滑無點紋者

乃胃經虛寒舌中屬胃亦非六氣所擾也宜附子理中湯見六十四

舌加肉桂黃耆治之舊說不辨寒熱專用生脈散合附子

理中誤人不少

第七十黑中無苔枯瘦舌傷寒八九日過汗津枯血燥舌


無苔而黑瘦大便閉腹中卻不硬滿神昏

不寐或時呢喃歎息者宜炙甘草湯炙甘草


枝人參生地寸冬舊說是也若雜病裏證

見此舌者乃脾胃素熱而又誤服溫補辛燥藥傷其真陰

也宜大承氣湯下之辨舌宜留意



第七十一 黑乾短舌舊說謂厥陰熱極或食填中腕腫脹



所致急用大劑大承氣下之所論甚是又云十中可救一二服後糞黃熱退則生否則死者此識見未透僅知試用承氣而不敢多投若能連服十中必能救八九


第七十二 中焙舌其色純紅內有黑形如小舌者乃邪熱



結於裏君火熾盛宜涼膈散見四大柴胡湯見第五舊說是也

第七十三 裏黑舌外見紅色內有乾硬黑色似小長舌其

裏黑舌



上有刺者熱毒盛熾堅結大腸急用調胃

承氣湯下之舊說不謬然不如用白虎湯

大承氣相間連服必愈

第七十四滿黑舌凡舌色全黑本為陰絕當即死而有遲

延未死者非藏府極熱即為極寒尚留一

線生機苟能辨準補偏救弊卻可不死如

全黑無苔而底紋粗澀乾焦刮之不淨者


極熱也不論何證何脈皆宜十全苦寒救補湯

見第九舌數倍

生石膏急投必愈如全黑無苔而底紋嫩滑溼潤如浸水

腰子淡淡澀澀洗之不改色者極寒也不論何證何脈宜

滿黑舌



十全辛溫救補湯


見第十卷

重加薑桂急投可愈舊說謂水尅

火百無一生則迂矣

參看總論

第七十五弦白黑心舌在傷寒爲邪入陽明化火已久熱



逼太陰少陰也宜破格白虎湯及大承氣湯輪服不次急投黑心退淨則愈在雜病爲實熱症如吐血者宜三黃白虎加犀角

大便閉者宜大承氣大熱大渴者宜白虎湯

勿用甘草

若拘於


弦白爲寒而不用苦寒藥則無救法舊說兼用五苓散謬

也

若舌底光滑濕潤刮之明淨無點絳焦紋者則爲寒宜與上條參看

第七十六弦紅中微黑舌外淡紅中淡黑者如惡風則表

弦紅中微黑



證未罷用雙解湯

見四十舌

解毒湯

四十舌

半以微汗之汗罷即下之舊說是也如結

胸煩燥目直視者宜大陷胸湯


見五十舌

及

大承氣間服舊說云不治者非也

第七十七灰色黑紋舌舊說謂脈實者急用大承氣下之

灰色黑紋



若脈浮渴飲水者涼膈散解之十人可救

一二依此法不過如斯而已實則見此舌


不論何證何脈用十全苦寒救補湯不次

急投服至黑灰退淨則立愈非臨證多者不知其妙也

第七十八根黑尖黃舌乃藏府實熱之最顯者不論何證




根  
黑  
微黑又似  
尖  
黃  
尖  
平  
淡  
紅  
黃



何脈宜十全苦寒救補湯見第九舌不次急投  
服至黃黑退淨則立愈萬無一失若見識  
不到畏苦寒藥如猛虎遲疑失機或偶爾  
嘗試舌色不退病仍不愈反謂余言之謬不知大熱內熾  
必須苦寒必須多服連服否則自誤耳舊說養陰退陽微  
汗微下諸術皆緩不濟急矣

中  
黑  
心  
黑  
苦



第七十九中心黑苦舌若刮之即淨溼潤多津者真寒假  
熱也開或有之治宜十全辛溫救補湯不次急  
投至舌色不黑則病愈若刮之不淨乾焦  
膩厚者脾胃熱極也不論何病何脈宜破

格苦寒救補湯倍加石膏不次急投服至黑淨則立愈舊說但知以承氣下之而不兼涼脾胃勢難全愈也

第八十全黑無苔舌如無點無罅溼滑多水如水浸腰子

淡淡融融者極虛寒也宜十全辛溫救補

湯見第如無點無罅乾燥少津光亮似錢

者即絳舌之變陰虛腎水涸也妊娠者亦



有之宜十全甘寒救補湯

生地麥冬天冬萎蕤元參沙參  
淮山藥牡丹皮澤瀉地骨皮

加減酌用如有點有罅乾燥無津滴指如銼者極實熱也

宜十全苦寒救補湯

見第

數倍生石膏不次急投服至黑

色轉紅則愈如黑色暗淡無苔無點無罅非淫非乾似亮

不亮者陽虛氣血虧也久病見之不吉宜十全甘溫救補

湯

見第七舌

凡見此舌皆危證也

均裏證無表證

寒熱虛實務當詳辨

稍有不明便易取禍舊說糊塗余不復述

以上三舌與七十四舌參看

舌鑑辨正卷二

茂名梁玉瑜傳

秀水陶保廉錄

灰色舌總論

灰色不列五色乃色之不正也舌見灰色病概非輕均裏證無表證有實熱證無虛寒證有邪熱傳裏證有時疫流行證鬱積停胸證蓄血如狂證其證不一而治法不外寒涼攻下

寒涼以救真陰攻下以除穢毒在當用之時不得訾爲戕伐焉

舌鑑舊載總論謂

熱傳三陰則有灰黑乾苔皆當攻下泄熱是也又謂直中


三陰見灰黑無苔者當溫經散寒此說甚謬蓋灰黑與淡  
黑色頗相似惟灰則黑中帶紫淡則黑中帶白之殊耳若  
寒邪直中三陰者其舌淡黑無苔宜溫經散寒如熱邪直  
中三陰者其舌灰黑無苔宜三黃白虎大承氣並用連投  
失出失入其害非輕願望舌者小心謹慎焉

第八十一純灰舌全舌無苔而少津者乃火邪直中三陰

純

灰

舌



證也或煩渴或二便閉或昏迷不省人事

脈則散亂沈細伏代不等舍脈憑舌均屬

裏證

凡灰舌  
無表證


治宜三黃白虎大承氣並用

急速連投服至灰已轉黃轉紅為止病則立愈舊說誤指

為寒用附子理中湯見六十四逆湯生附子安得不效

漸漸灰縮乾黑而死乎

第八十二灰中舌傷寒症熱邪傳入厥陰舌中央灰色而



消渴氣上衝心飢不欲食食則吐衄者宜烏梅丸烏梅細辛乾薑當歸黃連附子川椒桂枝人參黃蘗此丸又治寒痢舊說是也若雜病見此舌為實熱裏症則

宜大承氣與白虎湯合用



第八十三灰黑苔乾紋裂舌此藏府熱極又因誤食熱物或誤服溫補辛燥藥灼傷真陰所致凡裂紋者多因誤食溫燥物之故治宜破格十

全苦寒救補湯

見第九舌

不次急投服至灰黑色退紋裂自平

則立愈如舊說僅用涼膈散調胃承氣下之熱不退則不

敢再用寒涼遂歸於不治姑息貽禍也

第八十四灰根黃尖中赤舌腸胃燥熱也如大渴譫語或

五六日不大便者以大承氣急下之如瘟

疫證熱證惡寒脈浮者酌用涼膈散



第十四舌

雙解散見四十舊說是也

第八十五灰色重暈舌此瘟病熱毒傳徧

三陰也熱毒傳內一次舌增灰暈一層最


危之證急用涼膈散或雙解散見黃連解



毒湯大承氣湯下之一暈尙輕二暈爲重三暈必死亦有橫紋二三層者與此不殊舊說如此尙合理惟熱毒傳裏已深涼膈雙解二方嫌有表藥不宜解毒湯太輕大承氣僅能利下而未能透涼藏府不如用十全苦寒救補湯四倍加生石膏不次急投服至灰暈退淨爲止雖見二三重暈均能救活

第八十六灰黑乾刺舌傷寒邪傳少陰口燥咽乾證偶見

灰黑乾刺



此舌宜大承氣下之或藏府實熱已極大熱大渴胸中煩躁內痛脹滿飲食不進一食卽吐常作乾嘔等證宜十全苦寒救補



湯不次急投服至灰黑色淨則立愈舊說必待其轉失氣


乃下之則遲疑誤人矣

傷寒論陽明篇少與小承氣湯腹中轉失氣者有燥屎也乃可攻之

彼係熱邪初傳陽明故用探試之法今見灰黑舌且有乾刺是熱邪已結陰分無可疑矣

第八十七灰黑尖舌傷寒已經汗解而見舌尖灰黑有宿


灰黑尖



食未消或又傷飲食熱邪復盛之故也以調胃承氣下之舊說是也若雜病裏熱見

此舌宜大承氣湯重加黃連

灰黑尖乾刺



第八十八灰黑尖乾刺舌舌尖灰黑有刺

而乾是得病後猶如常飲食之故雖證見耳聾脇痛發熱口苦非少陽病勿用小柴


胡宜大柴胡湯見第五或調胃承氣加消導藥舊說是也

第八十九灰中墨滑舌淡淡灰色中間有滑苔四五點如



墨汁此熱邪傳裏而腹有積食未化宜大柴胡湯舊說是也

第九十灰黑根黃舌如苔厚乾燥刮之不淨者乃熱入厥




陰藏府實熱而脾胃之火尤熾也其證多爲胃有積滯二便閉發單燒熱大渴消水自汗不止出至頸而以下不出者諸病急

宜十全苦寒救補湯以收汗服至二便利則熱滿自汗必

止待舌色明淨則全愈舊說謂傷寒六七日不利便發熱而渴汗出不止者正氣脫必死其說未盡然也

第九十一淡灰中紫舌瘟疫中臟者居多傷寒邪傳手少

陰



陰熱遍心經者亦有之其證多卒然倒地不省人事或狂妄昏迷或疾呼大叫或自

紫

嚙舌尖或拍胸嗟恨不等治宜三黃瀉心

湯

大黃黃芩連黃芩

加黃蘗連翹木通生甘草不次急投服至舌色

漸淨則必愈若稍涉遲疑淡灰轉黑淡紫轉藍邪毒攻心已甚而傷腐脾胃則不治次舊說云白嚙舌尖少陰厥氣逆上非藥可治者蓋誤於遲疑耳

原缺

微生刺



苦寒救補湯分二劑

先大承氣後三黃白虎等

不次急

投至舌淨乃愈舊說用三消飲

見三十則

則

兼有表藥

羌葛柴胡也舌色如此皆裏證斷不可表

溫藥

橫櫛草果

葛裏也此時切忌溫

老人用生脈散


人參麥冬五味甘補酸瀉必飲佳熱邪矣

皆謬誤

第九十六裂紋舌血液灼枯也內熱失治邪火毒熾者有

之宜大承氣急下以救真陰則裂紋自平

裂紋



舊說是也


第九十七短硬或卷舌凡舌短由於生就者

乃初生時將含口之血吞

下之

故無關壽夭若因病縮短不能伸出者危證也傷寒邪

短硬或卷



陷三陰及實熱證火逼三陰皆能短舌不

論何脈當辨其苔色如確是內熱則宜大

承氣急下以救真陰若少陰自絕症則不

治凡舌硬者

即強舌木舌重舌腫舌大舌之類

藏府俱熱而心經尤熱也

宜十全苦寒救補湯加黃連連翹

各二錢

不次急服凡舌卷

者傷寒邪入厥陰舌卷囊縮目睛直視乃藏府極熱而肝

血涸也宜十全苦寒救補湯加羚羊角

三錢

不次急投則愈

舊說未盡善

紅舌總論

二

全舌淡紅不淺不深者平人也有所偏則爲病表裏虛實  
熱證皆有紅舌惟寒證則無之如全舌無苔色淺紅者氣  
血虛也色深紅者氣血熱也色赤紅者藏府俱熱也色紫  
紅瘀紅者藏府熱極也中時疫者有之誤服溫補者有之  
色鮮紅無苔無點無津津舌底出無液液舌面浮者陰虛火炎也有  
可作熱論虛極不能生苔色灼紅無苔無點而膠乾者陰虛水涸也色  
絳紅無苔無點光亮如錢或半舌薄小而有直紋或有泛  
漲而似膠非膠或無津液而咽乾帶瀉不等紅光不活絳  
色難名如豬腰將腐難以言狀水涸火炎陰虛已極也瘦人多火偏

於實熱醫者拘於外貌輒指爲虛誤服溫補灼傷真陰或  
誤服滋補名爲滋陰降火實則膩滯酸敏膠粘實熱引入陰分漸耗真陰亦成絳舌  
而爲陰虛難療矣其初必有黃苔醫者不知久之內傷已  
之病自生者極少多由不論病狀如何見絳舌則不吉舌  
鑑舊載總論引仲景云冬傷於寒至春變爲溫病至夏變  
爲熱病故舌紅面赤此專指瘟疫與傷寒也而紅舌各病  
實非瘟疫傷寒所可賅括勿泥古以致誤

純紅

紅

第九十八純紅舌非純而不雜卽瘀紅之  
色也藏府極熱者中時疫者誤服溫補者  
皆有之宜三黃白虎加速翹或大小承氣



等藥酌用

但求病愈不必拘合古方

此舌亦有表證者則兩臉周身必

發熱頭暈目眩乍熱乍寒脈浮數邪熱在太陽也宜薄荷

荊芥竹葉葛根生甘草涼散表邪不可遽用寒涼攻下舊

說專指表症用人參敗毒散

人參羌活獨活柴胡前胡桔梗川芎枳殼茯苓甘草

恪守家訓不敢妄用人參

喻嘉言謂用參數分入表藥中助元氣以為驅邪之主余謂今

昔物性不同今日之參只能升提溫補投之實熱人徒補邪氣耳

柴胡升燥少陽經羌活

獨活通燥諸經必風邪深入方可用

若熱邪在太陽用老適引邪入他經

第九十九紅中淡黑舌藏府實熱也不論


何病何脈皆裏證

無表證

傷寒傳裏大發燒

熱結胸煩躁二便秘雙目直視或疫毒中

紅中淡黑




三陰均有此舌宜十全苦寒救補湯不次急投舌淨必愈  
舊說先汗後下又以結胸爲不治殊未當也

與六十五六十八七十二

七十三七十六九十三諸條參看


第一百紅中焦黑舌藏府俱熱而脾胃尤熱也誤服溫補



及中時疫者有之不論何脈皆屬裏證宜  
十全苦寒救補湯倍加生石膏不次急投  
勿稍遲疑以服至焦黑退淨爲準則必愈

舊說近是尙嫌姑息

第一百零一紅內黑尖舌藏府皆熱而心經尤熱也傷寒  
邪火逼手少陰瘟熱直中手少陰誤服補心藥熱傷心血



淡紅

黑

者皆有之宜大承氣湯加黃連三錢連翹黃

芩黃錢各二服至黑尖退淨則愈舊說謂

足少陰瘟熱乘手太陰用竹葉石膏未當

第一百零二組斷紋裂舌如舌色赤紅厚苔膩而裂紋者



藏府實熱也宜十全苦寒救補湯倍加犀

角如灼紅色即比絳色略鮮無苔無點而紋裂者

陰虛火炎也舊說用黃連解毒湯加麥冬


可也

陽火陽藥陰火陰藥誤投必敗

第一百零三組色紫瘡舌瘡在心肺經位者乃時疫毒中

心肺或楊梅毒注心肺皆有之宜十全苦寒救補湯倍加

紅紫色瘡



生石膏黃連不次急投至瘡平則愈舊說

謂瘟疫煩渴或欬用解毒湯見四重益元

散加黑參薄荷此時非大承氣不能救陰解毒

元輕不濟事黑參為陰分涼藥病在陽火尺脈無則死重

而反為陰火則無益有損薄荷亦不對證皆不明治法之論也


第一百零四中紅根微黃舌傷寒邪傳陽明胃府宜白虎

湯若頭汗身涼小便難者宜茵陳蒿湯加

梔子香豉舊說是也若無病人見此舌為


藏府微熱可以勿藥倘有病發勿投溫補

中紅微黃



第一百零五紅中微黃滑舌傷寒病五七日舌中見黃苔

紅中微黃消




則為陽明證如脈沈實譫語雖苔滑亦宜大柴胡湯若乾燥者內邪熱盛也急以大承氣下之舊說是也如無病人有此舌是

藏府本熱而飲食復留滯熱也行動即消化可勿用藥

第一百零六紅長脹出口外舌熱毒乘心也內服三黃瀉

紅長脹出口外



心湯大黃黃連黃芩外用銀針砭去惡血從舌之脾經輕針以出毒若誤中筋絡來血不止亦足誤人以龍腦香即上冰片也人中黃滲之即愈舊說是也如不針則合

用大承氣三黃瀉心湯不次急投必大瀉頻瀉乃愈

第一百零七紅餅舌天行燥火時疫症有之全舌必紫而


紅 飮



紅

兼瘀藏府為疫毒內攻逼迫心經所以舌長出口外時弄不止或飮上下唇左右口角或飮至鼻尖不等宜十全若寒救補湯

紅 痿



倍加川連生石膏不次急投至舌收回乃愈知治法者可  
以十全否則十無一生舊說用解毒湯加生地必不效也  
第一百零八紅痿舌痿者輒而不能動也淡紅痿者宜補

氣血深紅痿者宜涼氣血赤紅痿者宜清涼藏府紫紅痿者宜寒涼藏府并攻瀉之鮮紅灼紅痿者宜滋陰降火惟絳紅痿者


陰虧已極無藥可治舊說祇云紅痿而不分類謬甚

第一百零九紅硬舌藏府實熱已極又為燥火侵淫誤服

溫藥則舌根強硬不能言語或時痠直中

三陰者亦有之均裏症實熱症無表症虛寒症宜十全苦

寒救補湯不次急服必愈舊說未當




第一百一十紅尖出血舌乃手少陰心經邪熱壅盛所致

宜三黃瀉心湯加黃蘗連翹生地各三錢真

犀角尖六錢不次急服則愈舊說論證尙合

而用藥嫌雜舊用加減犀角地黃湯內有當歸赤芍桔梗便丹皮等皆於



邪旺時不宜

第一百一十一紅中雙灰乾舌藏府皆熱而脾胃尤亟也傷



寒邪入胃府發熱譫語循衣撮空者常有


此舌實熱人飲食鬱結者亦有之不論何

脈宜十全苦寒救補湯分二劑先大承氣湯後三黃白虎

不次急投循環連服將黑盡下淨則愈舊說謂下黑盡則

死謬甚是泥於書而臨證少也

第一百十二尖紅根白苔舌紅尖是本色白苔為表邪浮



薄滑者如惡寒身熱頭痛宜汗之不惡寒身

熱頭痛煩渴者太陽表證也宜五苓散兩

解之舊說尙是惟此舌不應列於紅舌中

表證初起往往不顯於舌若白苔厚膩則又為裏熱證須參




看自舌總論及第一第二三各條

第一百十三紅戰舌鵝掉不安蠕蠕微動也深紅赤紅而

戰者宜三黃石膏等湯紫紅瘀紅而戰者

紅戰

舌



宜三黃白虎大承氣淡紅而戰者宜十全

大補湯

人參白朮茯苓甘草熟地川芎當歸白芍黃耆肉桂鮮紅灼

紅而戰者宜六味地黃湯

熟地山茱萸黃山藥茯苓丹皮澤瀉此舌虛火實

火皆有之


均稟證無表證誤治即壞舊說指為汗多亡陽或漏風

所致且不詳辨而概用溫補謬也

第一百十四紅細枯長舌如絳紅無苔乾枯細長而有直

紋透舌尖者陰虧已甚少陰之氣絕於內不能上通舌根

紅細枯長



故不顯苔也命絕難治聊用滋陰降火亦敷衍而已若

赤紫紅色中間尚能顯苔膩者黃黑雖有不等

直紋透尖亦作為藏府實熱症不作虛症

黃白虎大承氣合投可愈


倘用二冬二地等滋陰藥引入陰分即難治

辨之詳

慎方不誤人

第一百十五紅短白泡舌口瘡舌短有泡聲啞咽乾煩躁

紅短白泡




者乃瘟疫強汗或傷寒未汗而變宜酌用

三黃石膏犀角舊說是也

第一百十六邊紅通尖黑乾舌藏府實熱而心肺脾胃尤

紅邊 通火 黑乾




亟也傷寒傳少陰證燥暑中少陰證瘟疫症雜病實熱證皆有之不論何病何脈宜十全苦寒救補湯不次連服則必愈舊說

急下再下以平為期是也


第一百十七紅尖紫刺舌乃心經極熱而又受邪火薰蒸

紅尖 紫刺



也宜大承氣湯加黃連五錢連翹三錢急服則愈舊說用枳實梔子豉湯加大黃雖下而不甚涼芒刺再生又不敢連投安得不危

第一百十八紅尖黑根舌心腎火熾脾胃受困也傷寒邪入陰瘟疫毒中陰實熱鬱傷陰皆有之不論何證何脈用



大承氣急下以去其毒用三黃白虎急涼

以救其陰二方連環服至黑退則愈舊說

未善彼謂瘟疫二三日可微下之週五日

目頤脈經油汗者一二日內死蓋微下則不能去毒僅一

下之而不問以大涼藥則不能挽回已傷之陰又偶爾嘗


須參看黑舌總論及第七十三舌

第一百十九紅嫩無津舌全舌鮮紅柔嫩而無津液望之

似潤而實燥潤者乃陰虛火旺也宜十全

甘寒救補湯與十全苦寒不常服之舊說

用生脈散人參麥冬人參三白湯人參澤



蒼白尤白

醫家積弊誤人不少

五味白芍酸斂人參燉肺

芍藥

皆溫補以此治


陰虛人則腎火愈旺真水益虧矣

第一百二十生癰舌全舌純紅而有小黑點者藏府皆熱

也傷寒邪傳陽明府失治以致邪火逼入

三陰證或疫毒直中三陰證或實熱人誤

服辛溫藥燥傷三陰證均有之不論老少



何病何脈見此舌卽宜十全苦寒救補湯倍加真犀尖連

服必愈舊說用元參升麻葛根湯及化癰湯

卽白虎湯除梗米加人參

誤人多矣

非陰火何可用元參非表證何可用升麻葛根熱毒正旺何可用參以補邪火舉世甘

受其誤願衛生者勿泥古不化焉

第一百二十一將癰舌卽第九十八純紅舌也治法亦同


將瘟

純紅

舊說又以將瘟舌別其名殊屬無謂

第一百二十二紅星舌全舌純紅而有深紅星乃藏府血

紅星



分皆熱也中燥火者中疫毒者實熱人誤服溫補者皆有之其病多大熱大渴心胸脹滿皮膚燥癢日夜不能眠大便秘小便

瀉不等

均屬裏症


宜十全苦寒救補湯急投舊說指為傷寒將

發黃用茵陳湯合五苓散誤也

熱毒傳裏茵陳蒿湯不濟事五苓散內有苓朮肉桂


皆於熱人不宜

第一百二十三裏圈舌淡紅中有紅暈而絳又純黑乃心



包絡蘊熱復受邪火侵入二火相逼故顯此舌宜大承氣下之舊說是也

第一百二十四人裂舌紅色中有裂紋如人字者君火燔



灼熱毒炎上故發裂也宜涼膈散見第四十舌

如渴甚燥熱者宜大承氣湯下之舊說是

也不論白紅黃黑各舌若中有裂紋如川字灸字人字不等或裂開直槽者多由

實熱人誤服溫補藥熱火在藏府相爭所致大承氣雖能下毒而未能涼沁腸胃宜以白虎湯與承氣循環服不知者以為太重實則力求周密之策也凡治實熱內逼之症皆宜如此

第一百二十五蟲碎舌紅舌中更有紅點如蟲碎之狀者

熱毒熾盛也宜小承氣湯下之不退再用

大承氣舊說是也

然不如將十全苦寒救補湯分爲大承氣三黃

白虎等二劑循環連服以舌淨爲度

第一百二十六厥陰舌舊圖繪全舌純紅內有黑絲紋環

其後方正而不達邊余以爲凡舌色純紅


兼顯黑絲必非寒證當是熱氣結於足少

陰宜用寒涼藥而舊說指爲陰毒中厥陰


以理中四逆湯溫之未知合否寒涼之判吉凶所繫余未

見過此舌不敢妄斷請識者辨之

蟲碎



厥陰舌






紫色舌總論

紫見全舌藏府皆熱極也見於舌之某經卽某經鬱熱也傷寒邪化火者中時疫者內熱薰蒸者誤服溫補者酒食滯滯者皆有紫舌有表裏實熱證無虛寒證若淡紫中夾別色則亦有虛寒證凡辨舌無苔則論舌之本色有苔則憑苔之見色參之望聞問切以判表裏寒熱虛實之真假雖不中不遠矣余數十年來但知有紫色舌未聞有紫苔舌但見紫舌爲各種熱症未聞概屬酒後傷寒舊本專指酒後傷寒未免拘執

第一百二十七純紫舌傷寒以葱酒發汗酒毒入心或酒

純紫



後傷寒皆有之宜升麻葛根湯加石膏滑石若心煩懊憹宜梔子豉湯否則發癰舊說尙是然紫舌非專屬傷寒也如傷寒邪

化火或中時疫毒或誤服溫補或內熱鬱結諸症皆有之均宜十全苦寒救補湯急服

第一百二十八紫中紅癰舌渾紫而又起紅癰或渾身更


發赤癰者宜化癰湯

見一百三黃解毒湯

加青黛或涼膈散

見四或消癰青黛飲

紫中紅癰



黃連犀角石膏知母梔子元參生地柴胡人參甘草黃蘗加醋一匙和服大便實者


去人參加大黃此調節菴方也

舊說近是惟元參生地柴胡人參黃蘗醋

七者皆與陽火實熱裏症不對當除去乃效若泥古方不敢加減亦是誤人

癍證


第一百二十九紫上白滑舌此藏府本熱或因感冒時邪



身熱惡寒頭痛者宜紫蘇薄荷荆芥甘草等輕表之若白苔不滑而厚膩則實熱內蓄也如無表證宜苦寒清裏藥舊說謂酒


後感寒或誤飲冷酒所致亦令人身熱頭痛惡寒隨證解表可也

第一百三十淡紫青筋舌淡紫帶青而濕潤中絳青黑筋者乃寒邪直中陰經也必身涼四肢厥冷脈沈緩或沈弦



宜四逆湯 甘草乾薑附子 理中湯 人參甘草白朮乾薑 小腹  
 痛甚者宜回陽救急湯 即并四逆理中又加肉桂半夏五味  
 茯苓陳皮也 舊說是也若舌不溼潤而乾苦則

是實熱宜涼劑



第一百三十一 紫上赤腫乾焦舌舊說舌邊紫而中心赤  
 腫足陽明受邪或已下後即食酒肉邪熱  
 復聚所致若赤腫津潤大柴胡湯微利之  
 若煩躁厥逆脈伏先用枳實理中湯 即理中湯

加枳實 茯苓也 次用小承氣是仍指傷寒證有寒食結胸也若雜  
 病見此舌乃脾胃實熱已極不論何脈將十全苦寒救補

湯分二劑一大承氣湯一三黃白虎循環急投服至赤腫消則必愈過  
於遲疑勢必誤人

第一百三十二紫上黃苔乾燥舌乃藏府素熱脾胃尤甚

或嗜酒積熱或燥火入裏或誤服溫補所


致皆實熱裏證無表宜十全苦寒救補湯

對證加減連服則愈舊說用大承氣近是

用大柴胡則非也



紫短



第一百三十三紫短舌色紫短而團圓食

滯中宮又熱傳厥陰也急以大承氣下之

舊說尙是又云下後熱退脈靜舌柔和者

生否則死是不知舍脈憑舌之治法也余意必當下淨其

積涼透其熱

以十全苦寒救補分兩劑循環急投

若偶爾嘗試遲疑誤人

第一百三十四紫上黃芩溼潤舌外淡青紫而中有黃芩

溼滑潤澤食傷太陰也脈必沈細心下膈

旁按之使痛或轉失氣者小承氣加生附

子或黃龍湯

即大承氣加甘草人參當歸桔梗黃芩陶節菴用治邪熱

傳裏諸證發渴心下硬痛胃有燥屎卻利清水者結熱利症非濕底傷寒也

舊說尙是余意熟

邪既深入總無須溫以附子表以桔梗補以參薑棗也原

本專指傷寒證之傷食者若雜病裏症有黃芩必熱宜下

而兼涼


紫上黃



淡青紫

第一百三十五紫尖蓆蕾舌熱毒中心血也時疫酒溼楊

紫尖蓆蕾




梅等證皆有之宜三黃犀角連翹銀花生  
大黃大青錢各三治之舊說仍指為傷寒不

戒酒食所致殊未當也

第一百三十六熱紫老乾舌藏府熱極又因邪傳厥陰也

熱紫老乾



惟有十全苦寒救補湯分劑連投先服大承氣次  
服三黃白虎犀角等藥服至舌色嫩淨則愈遲疑則  
不治舊說明知是熱邪傳陰而仍用當歸

四逆湯之溫補謬極


第一百三十七淡紫帶青舌青紫無苔多水滑潤而瘦小

舌鑑辨正

卷二

九


淡紫帶青滑



爲傷寒直中腎肝陰證宜吳茱萸湯吳茱萸湯參生薑大棗治胃氣虛寒中有寒飲者也四逆湯溫之舊說是

第一百三十八淡紫灰心舌或青黑不燥不濕者爲傷寒

淡紫灰心



邪傷血分雖有下證只宜犀角地黃湯生白芍丹加酒洗大黃微利之舊說近是若皮犀角雜病裏證參看九十三舌




微醬色舌總論

微音眉物中久雨青黑也

微醬色者有黃赤兼黑之狀乃藏府本熱而夾有宿食也凡內熱久鬱者夾食中暑者夾食傷寒傳太陰者皆有之見此舌不論何證何脈皆屬裏證實熱證無表證虛寒證舊論謂苔薄用桂枝湯加枳橘半夏苔色厚爲土邪尅水鮮有得愈者皆謬說也

第一百三十九純微醬色舌爲實熱蒸胃宿食困脾傷寒

純微醬色




傳陰中暑煩躁腹痛瀉利閉結大渴大熱皆有此舌不論老少何病何脈宜十全苦寒救補湯連服則愈舊說謂下之不通必

死駭人誤人

第一百四十四微黃色黃苔舌全舌微色中有黃苔實熱鬱

積顯然可見宜大承氣連服舊說用二陳

加枳實黃連恐未必效也




第一百四十一中微浮厚舌宿食在中鬱久內熱胃傷脾

困也或刮不淨而頃刻復生者不論何證

何脈宜十全苦寒救補湯分二劑先大承氣次三


黃白虎等藥循環急服則愈舊說用枳實理中



湯加薑炒川連此治寒實結胸者與此舌不對

藍舌總論

藍者綠與青碧相合猶染色之三藍也舌見藍色而尙能  
生苔者藏府雖傷未甚猶可醫治若光藍無苔者不論何  
證何脈皆屬氣血極虧勢難延年舊論泥於五行謂金木  
相并火土氣絕不分有苔無苔概云不治亦管窺之見耳  
第一百四十二純藍色舌凡病舌見藍光無苔者不治若  
藍色而有苔者心肝肺脾胃爲陽火內攻  
熱傷氣分以致筋不行血也其證有顛狂  
大熱大渴哭笑怒罵搥胸驚怪不等宜十



全苦寒救補湯倍加生石膏黃連急服則愈若孕婦舌見

純藍者胎死腹中也宜下之

第一百四十三藍紋舌有藍色之紋也在傷寒爲胃氣衰

藍紋



小柴胡去黃芩加炮薑若因寒實結滯者

宜附子理中湯或大建中湯急投

黃芪當歸桂心

爲藥大參甘草  
半夏附子薑棗舊說尙合


妊娠傷寒舌總論

余訓望舌分經察色辨苦但求於表裏寒熱虛實詳審  
明確即得治法要領初無男婦老少之殊亦無妊娠傷寒  
之異名也治孕婦勿誤用損胎之藥然亦不能妄用保胎  
藥以助火而擾胎夫表有感邪必發散之裏有虛寒必溫  
補之倘裏有實熱留之爲害亦必攻瀉之內經所謂有故  
無殞也有故者有病也言用重藥時適對其病則病當之而無害也如孕婦或有黃黑舌厚苔膩芒刺大便閉者亦可酌用生大黃元明粉等藥以去大熱而不傷胎知此則不必別立妊娠傷寒  
一門舊本舌鑑既有圖說因踴爲之辯不敢人云亦云將  
錯就錯舊論謂邪入經絡輕則母傷重則子傷而視母舌以知子色澤則安色敗則斃面赤舌青者子死母

活面舌俱青出沫者母子俱死亦有面  
舌皆白而母子並死者蓋色不澤也

第一百四十四孕婦傷寒白舌初傷於寒身熱頭痛無汗

白




兩臉鼻氣俱熱脈浮舌上白浮滑者宜溫  
散太陽表藥得汗則愈若無表邪證而有  
白浮滑苔或白嫩無苔溼潤者則裏虛寒

也宜溫中之藥

孕婦之病非專屬傷寒而白苔之  
舌又兼有諸病須參看白舌總論

第一百四十五孕婦傷寒黃苔舌邪已化火宜白虎湯急

黃




服則愈若稍遲疑恐即傳陰傷寒治法男  
女無殊若非傷寒即為裏熱宜白虎三黃

審證酌用

參看白黃  
舌總論

第一百四十六孕婦傷寒灰黑舌乃熱逼三陰之候不論

孕婦傷寒



傷寒傳陰實火傷陰必須苦寒急涼宜三黃白虎生大黃元明粉陳厚樸生枳壳等

益熱而胎氣上冲

舊說謂面舌俱黑水火相剋子母俱死而赤舌微黑者還當保胎如見灰黑胎


必不因若面赤則根本未傷宜急下以救母此醫家相傳粉飾之談耳○黑舌亦有虛寒者須參看黑舌總論

第一百四十七孕婦純赤舌

紅過尋常也

藏府俱熱也不必

孕婦純赤



拘於傷寒當作實熱證治宜三黃白虎并投則子母俱安萬無可慮舊說泥定傷寒又指面白為氣虛而投薑桂竊慮如火益

熱有損無益

第一百四十八孕婦紫青舌傷寒無此舌其或有者乃熱

體誤投溫補胞胎受熱上冲所致宜以三

黃解毒散誤藥則母子俱危紫青為熱若青紫則為寒



辨之宜慎舊說謂傷寒夾食非也

第一百四十九孕婦傷寒卷短舌面黑而舌乾卷短或黃

黑刺裂乃傷寒化火傳足厥陰也宜大承

氣湯以元明粉代朴硝急瀉之則愈舊說

謂不瀉則熱邪傷胎瀉之則危在頃刻此



見識未透耳若明於醫者除暴即以安良無多疑慮



以上一百四十九舌傷寒雜病皆有之大半爲重病不常見者其輕病常見之舌分經別色辨其表裏及某經寒熱虛實不必拘定圖說庶能隨機應變虛則衛母實則泄子急則治標緩則治本審病用藥以平爲期補瀉溫涼無或軒輊原本後附古案新案諸條力言用補藥保全黑舌不可枚舉命意偏重溫補凡但知甘溫爲補而不知當用苦寒之時雖瀉亦補也原本又論燕都王生黑舌旣用甘溫大劑復用冷水一二斗妄治而愈彼亦不知其故輒歸功於溫補以余觀之安知非熱病而得力於冷水乎總之黑舌有實熱有虛寒區別之法已詳總論若不將病源認明

在先而以探試俾中之藥味表彰於後斷定某藥可治某舌鮮不傳誤矣

萬縣王文選刻傷寒舌鑑於活人心法內而跋其後曰以手拭舌滑而軟者病屬陰粗而燥者病屬陽胸喜熱物者病在陰胸喜冷飲者病屬陽病在陰者宜溫宜散在陽者宜解宜下數語尙是然閩者若固執鮮通必多遺誤何也虛寒者舌固滑而軟邪初傳裏者真熱假寒者亦間有滑軟之舌實熱者與邪入陰者舌固粗而燥陰虛水涸者真寒假熱者亦或有粗燥之舌其別異處虛寒證必全舌色淡白滑嫩無點無縫無餘苔邪初傳裏證全舌白滑而

有浮膩苔寒滯積中者舌亦相類惟問所因以辨證耳真

熱假寒症必全舌色白而有點花皴裂積沙各實苔不等

面苔刮不淨底色卻隱紅多刮欲嘔或乾嘔重刮沙點旁或出血少許假證最惑人宜慎辨之以上為滑軟舌之別

真寒假熱證全舌亦或黑色乾焦裂芒刺厚苔惟用老生

薑切平輕擦即脫淨舌底必淡白而不紅或口呼渴而不

多飲水者也若用薑擦之而苔堅不退或口極渴而飲水常多者是實熱甚也寒熱之判關乎生死

實熱者與邪火入陰之證全舌必有或黃或黑積膩乾焦

皴裂芒刺等苔陰虛水涸者全舌必絳色無苔或有橫直

皴紋而舌短小不等以上為粗燥舌之別至若胸喜熱物者不必定

屬虛寒真熱假寒者胸喜冷飲者不必定屬實熱真寒假熱者胸

亦喜又當別之舌色舌苔參之望聞問切以窮其變

辯正諸條輒言用苦寒重劑不次急投盡察舌色苔狀與病證毫無疑義確知急病不可緩治必神速方能奏功苟逡巡退縮拘於一日一劑勢必貽誤古所謂藥到病除者謂用藥已到勝病之分量病方能痊到者藥力之到也或數劑而到或數十百劑方到非入口即愈也此中消息惟閱歷深者知之若心氣粗浮察舌不準審證未確遽執余說妄投重劑又將致禍所願辨舌者小心謹慎於表裏寒熱虛實六字鑒別至當庶幾經權正變悉合中庸余恪遵家訓用白攝養非欲與世爭長適承垂詢不敢人云亦云

審布愚忱遑問知我罪我

金城王之璽

校字

洮陽胡海珍

舌鑑辨正卷二終

附治白喉方

青魚膽

一箇  
他魚膽亦可

青布

橫直一尺

葱白

七箇

右藥用罐煎水至三沸頻頻漱之必令吐沫而後止萬不可咽下此方不知傳自何人光緒十一年劉漁珊太守在新疆忽染此症時同病者十三人七人已不治劉君垂危勺漿不入三日矣家人環泣料量後事適於敝簾中翻出此方依方治之即能飲食翼日平復如常矣分治五人亦立愈